



LEMBAGA MINYAK SAWIT MALAYSIA

Malaysian Palm Oil Board

Kementerian Perusahaan Perladangan dan Komoditi
(Ministry of Plantation Industries and Commodities)

Ruj. Tuan / Your Ref. :

Ruj. Kami / Our Ref. : (04)04/C/PD/656/4 Jil. 6

1 Disember 2021

Pk (EL) MPOB 03/2021

Semua Pemegang Lesen Kategori Tapak Semaian (NN)

Tuan,

PENGUATKUASAAN PINDAAN SYARAT LESEN YANG DIKENAKAN BAGI PEMEGANG LESEN KATEGORI TAPAK SEMAIAN (NN): PENGECCUALIAN PENJUALAN ANAK BENIH KELAPA SAWIT BERUMUR KURANG DARIPADA 10 BULAN DARIPADA TAPAK SEMAIAN (NN) KEPADA TAPAK SEMAIAN (NN) YANG LAIN

Dengan segala hormatnya saya ingin menarik perhatian tuan kepada perkara di atas.

2. Dimaklumkan bahawa Mesyuarat Lembaga ke-116 yang diadakan pada 2 April 2021 telah bersetuju menguatkuasakan pindaan syarat lesen bagi pemegang lesen kategori Tapak Semaian (NN) iaitu pengecualian penjualan anak benih kelapa sawit berumur kurang daripada 10 bulan daripada Tapak Semaian (NN) kepada tapak semaian (NN) yang lain.

3. Sehubungan itu, Lembaga akan menguatkuasakan pindaan syarat lesen seperti yang diperincikan di dalam **Pekeliling Penguatkuasaan (Pelesenan) MPOB 03/2021 [Pk (EL) MPOB 02/2021] mulai 1 Januari 2022.**

4. Pihak tuan dikehendaki mematuhi syarat-syarat lesen yang telah ditetapkan sebagaimana Jadual Enam, Peraturan 21, Peraturan-Peraturan Lembaga Minyak Sawit Malaysia (Pelesenan) 2005 dan Pekeliling Penguatkuasaan (Pelesenan) MPOB 03/2021 (Pk (EL) MPOB 03/2021) bagi mengelakkan tindakan penguatkuasaan MPOB.

Sekian, terima kasih.

"WAWASAN KEMAKMURAN BERSAMA 2030"

"BERKHIDMAT UNTUK NEGARA"

Yang benar,

DATUK DR. AHMAD PARVEEZ HJ. GHULAM KADIR
Ketua Pengarah



s.k.

- i. Pengerusi MPOB
- ii. Setiausaha Bahagian Kanan, Bahagian Kemajuan Industri Sawit & Sago (BISS) KPPK
- iii. Setiausaha Eksekutif Persatuan Minyak Sawit Malaysia (MPOA)
- iv. Setiausaha Eksekutif Persatuan Penanam-Penanam Malaysia Timur (EMPA)
- v. Setiausaha Eksekutif Persatuan Kebangsaan Pekebun-Pekebun Kecil Malaysia (NASH)
- vi. Setiausaha Eksekutif Persatuan Pemilik Ladang Malaysia (MEOA)
- vii. Setiausaha Eksekutif Persatuan Pemilik-Pemilik Ladang Kelapa Sawit Sarawak (SOPPOA)
- viii. Setiausaha Eksekutif Persatuan Pengusaha Semaian Sawit Malaysia (MOPNA)
- ix. Setiausaha Eksekutif Pergabungan Persatuan Peladang (ISP)



**LEMBAGA MINYAK SAWIT MALAYSIA
BAHAGIAN PELESENAN DAN PENGUATKUASAAN
PEKELILING PENGUATKUASAAN (PELESENAN) MPOB**

Rujukan Pekeliling : Pk (EL) MPOB 03/2021

Tarikh Kuatkuasa : 1 Januari 2022

Perkara : **PENGUATKUASAAN PINDAAN SYARAT LESEN YANG DIKENAKAN BAGI PEMEGANG LESEN KATEGORI TAPAK SEMAIAN (NN): PENGECUALIAN PENJUALAN ANAK BENIH KELAPA SAWIT BERUMUR KURANG DARIPADA 10 BULAN DARIPADA TAPAK SEMAIAN (NN) KEPADA TAPAK SEMAIAN (NN) YANG LAIN.**

1.0 TUJUAN

1.1 Untuk memaklumkan penguatkuasaan pindaan syarat lesen iaitu Tapak Semaian (NN) tidak dibenarkan menjual anak benih kelapa sawit berumur kurang daripada 10 bulan kecuali kepada NN sahaja.

2.0 LATAR BELAKANG

- 2.1 Penghasilan anak benih kelapa sawit yang bermutu dan penggunaan bahan tanaman kelapa sawit yang tulen adalah amat penting dalam menjamin kualiti buah kelapa sawit yang dihasilkan oleh pengusaha estet dan kebun kecil. Pemeriksaan penguatkuasaan sentiasa dijalankan bagi memastikan Tapak Semaian (NN) mematuhi syarat lesen merangkumi kehendak dan keperluan yang terkandung dalam *Code of Good Nursery Practice for Oil Palm Nurseries (CoPN)* bagi memastikan penghasilan anak benih kelapa sawit yang bermutu tinggi.
- 2.2 Hasil kajian maklumat operasi penguatkuasaan serta mengambil kira pandangan industri kelapa sawit, Mesyuarat Lembaga ke-116 pada 2 April 2021 bersetuju meminda syarat lesen bagi pemegang lesen kategori Tapak Semaian (NN) iaitu NN tidak dibenarkan menjual anak benih kelapa sawit berumur kurang daripada 10 bulan kecuali kepada NN sahaja.
- 2.3 Penjualan anak benih kelapa sawit yang berumur bawah 10 bulan adalah bagi memudahkan pihak industri mengalih anak benih yang digunakan dalam kumpulan syarikat yang sama terutama dari tapak *pre-nursery* ke tapak semaian di ladang milik syarikat kumpulan.

**BAHAGIAN PELESENAN DAN PENGUATKUASAAN
WISMA SAWIT**

Lot 6, SS6, Jalan Perbandaran, 47301 Kelana Jaya, Selangor, Malaysia. Peti Surat 8073, 46781 Kelana Jaya, Selangor, Malaysia.
Telefon: 03-78022800. Faks: 03-78034014, 603-78061485. www.mpob.gov.my



**LEMBAGA MINYAK SAWIT MALAYSIA
BAHAGIAN PELESENAN DAN PENGUATKUASAAN
PEKELILING PENGUATKUASAAN (PELESENAN) MPOB**

3.0 PENGUATKUASAAN PINDAAN SYARAT LESEN

- 3.1 Lembaga akan menguatkuasakan pindaan syarat lesen di bawah Peraturan-Peraturan Lembaga Minyak Sawit Malaysia (Pelesenan) 2005 bagi pemegang lesen kategori Tapak Semaian (NN):

Syarat lesen sedia ada:

“Pemegang lesen tidak boleh menjual anak benih kelapa sawit yang umurnya kurang daripada 10 bulan.”

Syarat lesen selepas pindaan:

“Pemegang lesen tidak boleh menjual anak benih kelapa sawit yang umurnya kurang daripada 10 bulan kecuali kepada pemegang lesen kategori Tapak Semaian (NN).”

- 3.2 Peraturan 21, Peraturan-Peraturan Lembaga Minyak Sawit Malaysia (Pelesenan) 2005 memperuntukkan bahawa seseorang pemegang lesen yang tidak mematuhi atau melanggar apa-apa syarat lesen yang dikenakan adalah melakukan suatu kesalahan dan apabila disabitkan boleh didenda tidak melebihi dua ratus ribu ringgit atau dipenjarakan selama tempoh tidak melebihi tiga tahun atau kedua-duanya.

4.0 PEMAKAIAN

Pekeliling Penguatkuasaan (Pelesenan) MPOB 03/2021 [Pk (EL) MPOB 03/2021] adalah terpakai kepada pemegang lesen kategori Tapak Semaian (NN).

5.0 TARIKH KUATKUASA

Pekeliling penguatkuasaan ini berkuatkuasa mulai **1 Januari 2022**.

6.0 PENGESAHAN DAN KELULUSAN


DATUK DR. AHMAD PARVEEZ HJ. GHULAM KADIR
Ketua Pengarah MPOB

Tarikh: 01/12/2021

**BAHAGIAN PELESENAN DAN PENGUATKUASAAN
WISMA SAWIT**

Lot 6, SS6, Jalan Perbandaran, 47301 Kelana Jaya, Selangor, Malaysia. Peti Surat 8073, 46781 Kelana Jaya, Selangor, Malaysia.
Telefon: 03-78022800. Faks: 03-78034014, 603-78061485. www.mpob.gov.my